



А. КОНОНОВ

ЛЕНИН ЙЫЛІСЬ РАССКАЗЗЭЗ

КОМИПЕРМГИЗ

1941

КУДЫМКАР

Lef Ouel

**COEUR D'ALENE
INDIAN
RESERVATION**

Н Кому перм.
3-315.

А. КОНОНОВ.


ЛЕНИН ЙЫЛІСЬ РАССКАЗЭЗ

ПРЕССАЛЬНЫЙ ЭКЗЕМПЛЯР

КОМИПЕРМГИЗ
КУДЫМКАР 1941



Л. КОНОНОВ



КОМПЕТЕНТНЫЙ
И ДИМКАРДИ

РАЗЛИВ ТЫ ДЫНЫН

Ленинград сайын эм станция Разлив. Нэылын станция дынсянь—неыджыт ты. Тұлышнас, көр лымыс сылас, вавыс береггесис петö, тыыс лоö ыджыт и видззесö вöтьö. Сiйон эта местаыс и шусьö Разливöн.

Гожумнас, июль кежö, видззез вылын быдмö кузь турун. Локтö кад сiйö ытшкыны.

Сэтшöм кадö и локтiс Разливас Ленинys.

Эта вöлi 1917 годö. Ленинлö ковсылыс сайласыны враггез шогъя.

Владимир Ильич селитчис ты сайын.

Сылö лöсьютiсö оланiн: турун зород пытшкын весöтiсö пустой места, медбы туиис сайёвтчыны зэр шогъя,—шогмис шалаш.

Но Владимир Ильичлö сэтшöм квартираыс не öддьён гленитчис. Сiя мунiс вöрö, кералiс крепыт уввез, чеглалiс улоккез и шалашсö керис асмознас: уввесö мörтiс муас пыдына, вевттис нiйö вевдöрсяняс зе-лёнöй улоккезён да быд ладорсянь турунён. Лоис просторнойжык.

Хозяйство Владимир Ильичён вёлі нэ-
ыджыт: жестяной чайник, котёлок, чер, пи-
ла да коса.

Пондіс Ленин овны шалашас.

Медлюбимой места сылён вёлі ыджыт
мыр дынын бадь кусттэз коласын.

Ленин пуксывліс сэтчин му вылёр, тэч-
ліс мыр вылёр бумага листтэз да гижліс.
Бадь кусттэз сайёвтліс сійё быд ладорсянь.

Быд рытё ты вылас мыччисыліс пыж. Этё
верной морт ваявліс Ленинлө Петроградсис
виль газетаэз да письмоэз.

Владимир Ильич лыддьётліс письмоэз,
внимательноя видзётліс газетаэз и быдёс,
мый сійё интересуйтліс, отмечайтліс лўз
карандашён.

Петроградын пессьёмыс ээ дугдыв.


Рабочойез лўсьётчисё бойё асланыс
враггез вылёр—буржуазия да помещиккез
вылёр. Нія велётчисё военной стройё, ве-
лотчисё пользуйтчыны оружиеён—лўсьёт-
чисё вооружённой восстаннё кежё.

Крестьяна сотліс помещиккезліс усадь-
баз, босъставліс асланыс му.

Ленинлө вёлі вежортана: победаыс ма-
тын.

Владимир Ильич быд лунё ысталіс Пет-
роградё письмоэз—ёрт Сталинлө, Дзержин-
скийлө, Свердловлө.

Письмоэзын сія сеталіс указаннёэз сы-
йыліс, кыдз пондётны вооружённой вос-



Ленин—Разливын. Картинаыс художник
М. Соколовлон.

станнё: колё медперво босытны телеграф да телефонной станция; колё зaimитны асланым войскоэзён Нева ю вылісь поссэз; колё вештыны матёжык Петроград дыно революционной моряккезён военной кораблlez.

Сідз ленинской шалашись мунісö Петроградö приказзэз вооружённой восстаннё йылісь: шалаш лоис революция штабён.

А враггез эта кадö Ленинсö быдлаись кошвисö, но адзыны эзё вермё. Буржуазной газетаэзын гижлісö, что Ленин лэбзис аэропланён граница сайö, что сія сайётчис мореё подводной лодка вылын.

Ленин лыдьётіс да сераліс:

— Вот шуттэз!

Сія кадö өддьён съёкыт вölі сёянён, и Ленинлён мукöдпирся эз вöв нельки няньыс. Шуны кö, Ильич часто и вунётліс сёйёмыс йыліс; касьтывліс, что өддьён тшыг, только сэк, кör сылö вайлісö становияись завтрак.

Отпрысик разливской челядь кутісö тысис ыджыт щукаöс и вайисö сійö шалашö.

Шалаш одзын Ленинлён öшаліс майёжоккез вылын котёлок.

Челядь мёдісö сэк жö пуны Ленин понда эта щукаись черива. Но Владимир Ильич сувтötіс нійö:

— Сулалö-ко! Талун менам эм эшö нянь да чай. А ашын обед кежас нем абу: колямö-ко щукасö обед кежö.

Владимир Ильич ытшкис турун, косьтіс сійö, а зэр одзын тэчліс сійö зородö.

Отпрыр вöр сайсянь лэбтісис ыджыт кымёр и вевттис аснас джын нёбосö. Владимир Ильич пондіс тэрмасыны: пондіс тэчны турунсö зородö. Вирдыштöм ториётіс кымёррессö, пондіс гымавны. Но, кör пондіс зэрны, туруныс вölі тэчём ни.

Зэр бöрын руыс лоис сёстём, нырё вачкис цветтэз дукён, уль турунён, муён. Бöра пондіс свиттявны шонді вылын ты. Эта кадö Ленин казяліс: берег дынö локтыштіс пыж.

Ленин видзётіс и лоис рад:

— Серго локтіс!

Серго Орджоникидзе муніс туёк кузя,
кусттәз коласөт, и Ленинсö эз адззы.

И кёр Владимир Ильич петіс сы дынö
кусттәз сайсянь, Орджоникидзе кымёртчis:
кытшомкö тёдтöм морт... Кысянь сiя?
Мыйлö сiя ветлötö Ленин оланiн ды-
нöт?

Владимир Ильичöс былiс съёкыт вöлi
тöдны: тошыс да уссес сылён вöлiсö бри-
тöмöс, кепкаыс лажмыта вештöма кымöс
вылас, пасьтасьöм сiя вöлi орöм соса важ
пальтоöн...

Ленин здоровайтchis, но Орджоникидзе
сё эшö эз тöд сiйö. Сэк Владимир Ильич
гажён вачкыштiс сiйö пельпон кузя:

— Мый, он вермы тöдны, ёрт Серго?

Только сэтöн Орджоникидзе тöдiс Ле-
нинöс.

Нiя мунiсö шалашö. Серго локтiс сет-
ны ёрт Сталинсянь Владимир Ильичлö важ-
нöй юэрrez. Не быдöс туйис гижны пись-
моэзö. Ленин велётiс ассис ёрттëсö видзны
секретnöй указаннёэсö тöдвылын, а не гиж-
ны бумага вылö: бумага вермис сюрны враг-
гез либо предателлез киэзö.

Дыр бaitiс эта лунö Владимир Ильич
ёрт Сергокöt; а асывнас видзчиcтьöм гö-
ссыс мунiс Петроградö. Сiя кыскис Сталин-
лö Лениnlісь ответ да указаннёэз.

Ленин дэвдээндэй эндэгдэж нине! * * * — Чебто локтэй!

Чожа эта бёрсянь локтіс Владимир Ильич
дынё ётік ёрт да висыталіс:

— Центральней комитет решитіс, что
тэныт буржык лоас мунны Финляндияй.
Эстён тэнё вермисö казявны ни.

Ленин пондіс серавны:

— Мэнё сэтён уджавны ни медавлісö—
турун косытыны. Ётік стариқ вовліс, ёдьён
серъёзной.

Ёртыс повзыштіс:

— Вот адзсан! Может, эта сыщик? И
татісь лесникис тожё, некё, адззылёма тэ-
нё...

Владимир Ильич панёйтіс:

— Но, эта абу нем! Не лесник, не ста-
рик умольсö меным озё керё. А вот зэ-
рыс... зэрыс, пожалуй, менё татісь вётлас:
эд меным оні эстён уджавны некытён.

Сія дзарнитіс аслас любимой места вы-
лó: мырыс сулаліс ва, нильыг, сія доррезёт-
тис вевттисьёма поснитик тшаккезён и нель-
ки кыдз быттьё пыктёма.

Кык лун борті Лениныс ассис шалашсö
колис.

А ленинской шалаши хозяйствыс—
чер, котёлок, чайник да коса—куйлоны оні
Ленин Музейын, Москваын. Сэтчин жё ёша-
лó стеклянной шкафын и пальтоыс, кёдö
новийис сэк Лениныс; сія ёдьён простой,

важ, гёрдкодь-зелёной рёма, и сосыс сылён самой пельпон дынас чуть косясьёма.

Этё пальтосö сетіс Ленинлö рабочой Аллилуев сія ойö, кör Владимир Ильич мунис Разливас.

№ 71 ПОЕЗДЛÖН КОЧЕГАР

Ленинлö обязательно коліс мунны Россияись Финляндияö. Но кыдз этё керны? Враггез кошхисö сійö быдлаись: быд станцияын вölісö сувтötöмöсь белогвардейской карауллэз; поезддэзын кошхисълісö. Но большевиккез думайтісö, кыдз мунны Лениныслö.

Ойнас, ётік час дас минутаö, Удельной станцияын должен вölі сувтны поезд № 71. Эта поезддісь машинисткöt вölі условитчом: сія сувтötас паровозсö станция выласнев на ылёжык, нежели колö,—платформа самой конецас, кытчö оз сюр электрической фонарьлön югытыс. Кочегар паровозис мунас, а сылісь местасö зайдитас Владимир Ильич и эта паровоз вылын мунас Финляндияö.

№ 71 поезддісь машинист некор эз адззыв Ленинöс. А ежели бы и адззыліс сійö кörкö, оні бы эз тöд: эд тошыс Ленинлön вölі бритöма, кымöсыс вевттьöма юрсиён— парикён. Парик вевдöрас вölі пунктöма сьöд картуз.

Көр поездыс сувтчис и кочегар чеччёвтіс пемытінас му вылёр, Владимир Ильич увереннёя кайис лиснич кузя паровоз вылёр. Машинистыс нельки шы эз сет: сылёр волі вежортана, что этёр Ленин.

Оні паровоз вылас суалісö куима: машинист, сылон помощик да Ленин.

Паровозсö лонтлісö песён. Владимир Ильич видзотыштіс: машинистлён помощник чапкаліс пессэсö перво особой клеткаё, неылын топка дынсянь. Пессэс косьмывлісö, помощник невнаён чапкаліс нійёбиё, а шоммесö рознитліс көртөвой зырён, медбы буржыка сотчисö.

Владимир Ильич адззис стена вылісь көрттув, ёшотіс сэтчё пальтосö, пуджис соссэсö и кутчис кочегар удж бердё.

Сія тәчліс уль пессэсö клеткаё, чапкавліс нійё печкаё, сорлавліс зырён сотchan головнясö. Машинист сё бергётчывліс да дивуйтчомён видзотліс Владимир Ильич вылёр, а помощник волі ѡдьён довольной: сылёр оні позис шоччисьны. Сія пуксис бокё, тшынотыштліс трубканас, видзотыштліс виль кочегар вылёр.

Сідз локтісö Белоостров станция дынёдз. Сэті муніс граница. Одзлань пондётчис Финляндия.

Быдёс пассажиррэзліс пондісö прове-ряйтны документтэз. Кошшисö быдёс поездсö. Машинист котёрён лэдзчик лиснич



Ленин—паровоз вылын. Гравюраыс художник
П. Староносовлён.

кузя, котёртыштіс состав дынё и мездётіс паровозсö. Сыбёрын муніс сійён водокачка дынё—босътны ва. А босътіс сійё нетэрмасъёмён. Станцияын вачкис куимёт звонок ни, а паровоз сё эшё суаліс водокачка дынын.

Машинист дынё пöдёмён котörtіс главной кондуктор и мычталіс аслас свисток вылö: часöt колö мунны! Сэк машинист перыта локтыштіс поезд дынё и кышаліс паровоз. Главной кондуктор сетіс свисток.

Станцияын суаліс офицер и видзётіс машинист вылö. И, тыдалö, мыйkö догадайтчис: сія öвтыштіс кинлöкө кинас. Паровоз дынё котörtісö кынымкö солдат...

Но паровоз вöрзис ни mestасис и перыта иньдётчис одзлань.

ГÖРД ЯГÖД

Финляндияын, неылын миян границасянь, эмöсь кык ты—югыт да пемыт. Пемытöн тыыс кажитчö сысянь, что сiйö кытшöвтö сук вöр, а югыт тысö быд ладорсянь нем оз кытшöвт, лунтыр сiйö югдötö шондi, и вавыс тыас сэтшöм сöстöм, что пыдöсас тыдалö быд изокыс.

Эна тыэз коласын, самой вöр дорас суалö учöтик керку.

Онi сыын некин оз ов, а 1917 годö, гожумнас, сэтчин оліс аслас инькаён да кык зонён финской рабочой.

Отпыр керкуокись хозяйствыс кыліс колесоэзліс стукötöм. Сія петіс оградааси и казяліс, что локтіс сылён жöникис и сыкöt кинкö тöдтöм морт.

Жöникис сылö радён горötіс:

— Этё миян гёсь, Константин Петрович Иванов!

И селитчис эта кадсянь Константин Петрович учётик керкуоқын.

Сія сәкжө пондіс дружитны хозяинис зоннэзкöt. Пöрисъжык зоныслö вöлi кыкьямыс год, а томжыкыслö квать.

Константин Петрович отлавын челядьыскöt ветлывліс вöрö. Гожумыс чулаліс ни, и, кыдз овлö пыр ар пондётчикö, вöрын вöлi уна паягöд.

Константин Петрович совсем эз куж байтны финской кыв вылын. Челядьыс рöчён тожö эзö тöдö отік кыв. Дружбалö эта эз мешайт, но сёрнитöмыс эз шогмы. Ягöдсö ёктис куимён, а байтышты эта ягöд йыліс некыдз эз удайтчывлы.

Невнаён гёсыс пондіс вежортны челядьысліс байтöмсö. Нія часто байтлісö: „Пунаны! Пунатен пунаны“!

Рочён эта лоё—гöрд ягöд.

Эна кыввез öдьён гленитчисö роч гёсьлö. И сія тожö пондіс байтны: „Пунатен пунаны“.

Казялас турунісъ гöрд паягöдсö и го рöтлö:

— Пунаны!

А челядь сералісö. Öдьён чуднёя шувліс энö кыввесö Константин Петровичыс. Но этасянь только гажажык вöлi ёктыны ягöдсö.

Сыбёрын куимнанныс мунісö югыт ты дынö. Сулаліс шоныт погодя, и позис купайтчыны.

Константин Петрович пасъкёмсö чёвтліс, но фуражкасö юр вывсис эз босытлы. Сія уйис фуражканас быдсөн ты кузяас, берегсянь берегёдз. Челядьлö ѡдьён охота волі юавны, мыля сія уялö фуражкаён, а кыдз юавны, нія эзö тёдö.

Петавліс Константин Петрович васис и фуражкасö сәк босытліс. Юрсиыс сылён волі сук, съод, кымёс вылас водліс неволькыта.

Прогулка бёрсянь Константин Петрович пыр пуксывліс гижны. Гижис сія чожа и ѡдьён поснита, луннас гижліс ѡдьён уналистён.

Мамныс сәк байліс челядьыслö:

— Оні сылö эдö мешайтö: сія уджалö.

И челядьыс видзётлісö гёсьыс вылö ылісиянь. А мёд луннас асывнас бёра сійö корисö вёрö: мычталасö сылö ягöд уттись пустой корзинка и горётлёны:

— Пунатен пунаны!

Константин Петрович серомтчас и чеччас пызан сайсис:

— Но, пунаны, дак пунаны.

Рыттэзнас вовлывліс уджсянь айыс и висътасыліс город йыліс. Сэтчин только и байтісö, что Ленин йыліс, большевиккез йыліс, сы йыліс, что Россияны чожа

вашётасö буржуйезöс и властыс лоас на-
роднöй. Кыксто тысяча руб кёсёём сетны
сылö, кин арестуйтас Ленинöс. Сорасьёны
буржуйес: сайёвтасö рабочойез Владимир
Ильичöс! Сайёвтасö сидз, что некин сийö
оз адззы.

Константин Петрович кывзис басниэсö,
сералыштлis, жагёник вёротiс кинас ассис
юрсисö.

Олiс сiя учётик керкуокас недыр. Кыдз-
ко локтiсö городiс кык рабочой, и гё-
сьис ныкёт мунiс.

Локтiс ар. Югыт тыыс эз ни кажитчы
югытён. Берегсянь берегёдз гуляйтiсö
сьокыт пемыт волнаэз, а ойезнас керкуо-
кас кылiс, кыдз дзуркötöны тёвсяняс вё-
рын пожуммез.

Отпир керкуоксис хозяиныс мунiс Пет-
роградö и кынымкö лун кежö öшис. Инь-
ыс сылон öддьён тревожитчис: сiя тёдiс,
что Петроградын лыйсьёны, рабочойез лэб-
тiсисö паныт правительстволö, öтлаын ны-
кёт—солдаттэз да матрессэз.

Но вот хозяиныс бертiс. Локтiс сiя öд-
дьён рад и пондiс висьтасьны: Россиянын
рабочойез керисö революция, и онi сэтчин
советской правительство, кёдайн веськöt-
лö Ленин.

Сыбóрын сiя берегитёмён кыскис чено-
дансис Владимир Ильичлiсь портрет да мыч-
чалис челядьыслö:

— Тёдмалатö? Мамныс пондіс серавны:

— Но кыдз жö тёдны! Эд нія сiйö адззылісö юр вылас юрсиён, и юрсиыс вöлі кытшом сук. Сія сылісь быдöс кымёссö вевттыывліс.

Но пöрисьжык зоныс горётіс:

— Онi ме тёда! Ме тёда онi, мылясія эз босытлывлы фуражкасö, кör купайтчывліс! Сія поліс, что париқыс вамас.

Айыс учётжык зоныслісь юаліс:

— А тэ тёдмалан?

Мöдys видzöтыштіс портрет вылас и көтү не сразу, но тожö тёдіс гöсьсö. Синнэс сьорті тёдіс.


Синнэс Лениныслён вöлісö особеннöйöсъ.

ПОС ВЫЛЫН

1917 годö ноябрь 7 лун панытö ойнас Петроградын пондётчис восстаннё.

Ойыс вöлі сьод, грозной. Фонарrez улицаэзас эзö сотчö. Нева вылын пемыт громадинаён сулаліс большевистской крейсер „Аврора“. Биэз сы вылын вöлісö кусёттöмёсь, а орудиеэзлён дулоэз иньдёттöмёсь. Зимней дворец выlö, кытён сайётчис буржуазной правительство.

Пемытінын ылісянъ кылісö лыйсян шыэз, гурётісö мотоцикллэз, гымёттöмён вет-



лісö мостовöй кузя грузовиккез: ны вылын суалісö винтовкаэзöн солдаттээз да матрессээз.

Улицаэз вылын сотчисö кёстеррэз. Красногвардееццез шонтисисö би дынын, негорён байтисö, видзчisisö приказ наступайтны:

Вооружённой рабочейездён отряддэз эта кад кежё босытсö ни Нева ю вылісь быдёс поссэсö.

Өтік пос вылын сулаліс том петроградской рабочой Андрей Крутов. Отлаын сыкöt дозоритсö поссö эшö кыкъямыс красногвардеец. Командуйтіс нійön старой большевик, кöдö быдöнныс шусö Василий Ивановичён.

Ойнас поссö кыкись лыйлісö белогвардееццез, но красногвардееццез вашётсö нійö лыйсьёммезён, местаись не вörзьётчомён.

Пос кузя туйис мунны только особой пропусккезён.

Но өтік морт муніс пропусктöг. Кöр сія локтіс матö застава дынö, Василий Иванович оськөвтіс сы дынö киас револьверён да лёгён юаліс:

— Тэнат пропускыт!

Мортыс сувтіс да көстіс пальтоыслісь лэбтöм воротниксö. Тшёкаыс сылён волі зэлыта кörталёма чышьянён. Сія негорён мыйкö висьталіс Василий Ивановичлö. Мöдьыт вешшыштіс бокö да босытіс козырёк увтö.

Кörталём тшёкаа мортыс перыт оськөввезён муныштіс Андрей дынёт пос выло и пемытінас сайёвтчис.

А заставаись начальникис бертіс аслас местао, сувтіс ордчон Андрейскöt. Сія эз

горётчи отік кыв и сё видзётіс сыланьё, кытчö муніс тёдтём мортыс. Сэтчин, ю саяс, кадісь кадö кылісö лыйсян шыэз.

Медбёрын Крутовыс эз терпит и юаліс:

— Мый, мычталіс сія тэныт пропусксо?

Василий Иванович жагёник висъталіс:

— Эз. Сія эз ешты сійö босътны. Сія пыр сайласис... Перво Финляндияын, сибёрын татён. А оні вот мунё Смольнöйö.

Сыбёрын содтіс, и Андрейлö сы голо-сын чудитчис полём:

— Думайтны только колё: сія локтіс татчö белогвардейской войскоэз дынёт! Сійö жö вермисö... тэ вежортан, сійö вер-мисö вийны!

Первуясь кыліс Андрей, что сылён командирыс байтö сэтшом голосон.

Сія видзотыштіс Василий Иванович чужёмö да юаліс:

— Да кин этö волі?

Красногвардейской заставаись командириыс веськötчис, кыдз быттö сетіс честь, да висъталіс:

— Владимир Ильич Ленин.

СМОЛЬНÖЙИН

Ылісь сибирской деревняись крестьяна кылісö Ленин йылісь и решитісö ыстынысы дынö вернöй мортöс—висътасыны сьöкыт крестьянской олан йылісь.

Бёрйисё ётік стариқөс, көдө быдённыс
радейтісөн и лөсьётісө сійё туйё.

Дыр стариқ волі туйын. Медбёрын локтіс Петроградö.

Видзотё: улицаэзын сулалёны винтовкаэзён рабочойез. Муніс музыкаён солдаттэзлён полк; полк одзас ноботісө ыджыт гёрд знамя.

Стариқ сибётчис красногвардеец дынё да юаліс:

— Этё кыдз колё вежортны?

Модыс висьталіс:

— А сідз: буржуйезёс да помещиккезёс
ващотімё, а властьыс оні—рабочой да крестьянской.

Муніс стариқ улица кузя, пондіс юасьны, кысь адзыны Ленинёс.

Байтёны:

— Смольнойын.

Дыр сія муніс городёттис и локтіс ыджыт керку дынё.

Керку дынас сотчисө көстеррез, сулалісө пулемёттэз. Пулемёттэз дынын ветлöttісө матроссәз да солдаттэз.

Эта и волі Смольнойыс.

Гленитчис стариқлө томыник матрос. Сія сё стукотіс каблуккезнас мостовой кузя, шовкотыштліс оча ки—шонтісис: волі көдзыт: мореланьсянь польтіс вына тёв.

Стариқ висьталіс сылёр:

— Меным бы Ленинёс адзыывны.



Ленин да Сталин красногвардеецзекöt Смольнöйын.
Рисунокыс художник П. Васильевлён.

Матрос видзётіс сійё коккезсянь юрдз да юаліс:

— А тэныт мыйлö колö Лениныс дынö?

— Локтi висътасьны сылö асланым крестьянской олан йылісь.

— Мун, стариk, комендант дынö да кор пропуск,—висъталіс матрос и мычталіс сылö, кытчö мунны.

Лестница вылын комендант дынö суаліс очередь. Пасъкыт поспуэз вölісö нильыгöсь, няньёсь—тыдалö, уна отир мунём ны вылёт лунтырён.

Комендант гижис пропусккесö жагöна: киыс сылён велаліс винтовка бердö, перосö сія видзис витнан чуньнас, неувереннöя, полёмён.

Получитіс сы дынісь старик пропуск,
муніс кошшыны Ленинös.

Смольной медодзза этажын рабочойез да матрессэз получайтісö оружие. Нія öтікён сибётчылісö вылын мыгёра гажа солдат дынö, босытлісö винтовка да патроннэз, гижсыывлісö и петлісö оградаö. Сэтчин сувтлісö отряддэзö и мунлісö. Кытёнкө ылын гымётісö пушкаэз: Петроград увтын мунісö бойез.

Старик юаліс вылын мыгёра солдатлісъ, кытён Лениныс.

Солдатыс шынныштіс да висьталіс:

— Квательдас сизимёт комнатын.

Квательдас сизимёт комната ыбёс дынын суаллісö часовойезён кык красногвардеец: съод пальтоа уса пёрись рабочой да полушубока том зонка.

Старик висьталіс нылö:


— Меным бы Ленинös адззывны.

Уса рабочой видзотыштіс старикис вылö да висьталіс:

— Мун веськыта коридор кузя. Ыджыт залын Ленин пондас выступайтны.

Только сэтён старик казяліс, что быдённыс мунісö коридор кузя öтік ладорö. Сія муніс сэтчин жё и казяліс коридор коңеңсис чочком, паськыта осытём ыбёс. ыбёс дынын уна волі народ.

Старик пондіс кыссыны одзлань. И только ештіс пырышты залас, кызд по-



Ленин делегаттээ коласын Смольнойн. Картинасы художник С. Герасимовлөн.

ндіс кывны страшной шум. Старик вежёртіс не сразу, мынын делоys. Пондіс видзётчыны: быдлаын горётлёны, оча кивачконы, шапкаэзён ёвтёны. И народыс эта мё-

дётём залоас унажыксö простой: шинел-
лезын, полушибоккезын, матросской буш-
латтэзын.

И быдённыс горётлёны:

— Ленин! Ленин-и-ин! Ленин!

Старик лэйтсыштис кокчуннез вылас
и казяліс зал мёд конецис Ленинёс.

Владимир Ильич сулаліс неыджыт вы-
лынін вылын. Сія видзчисис, кёр лёнясö го-
рётлөммез. Сыбёрын лэйтіс кисö—корис
не шумитны.

Но залыс шумитіс, эз лёньсы.

— Ленин! Да олас Ленин!

Владимир Ильич кымёртчис. Сыбёрын
эз вермы видзсыны—шынныштіс. Эшö
буражыка пондісö горётлыны.

Ленин паськётыштіс киэннас. Видчи-
сыштіс невна. И бёра лэйтіс веськыт ки-
сö. Сыбёрын решитіс, тыдалö, не видзёт-
ны сэсся шумыс вылö, мышкыртчыштіс
одзлань и пондіс байтны. И сæk жё залын
лоис шы не тёв.

— Ёрттэз!—шуис Ленин.—Рабочой да
крестьянской революция, кёда колём йы-
лісь пыр байтісö большевиккез, лоис...

Ленин байтіс виль олан йылісь, совет-
ской власть йылісь, сы йылісь, что война-
сö колё кончайтны, что помещиккезлён
муыс лоас мырдьём да сетём крестьяналö.

Старик кывзіс Владимир Ильичлісъ
речьсö да думайтіс: тёдё Лениныс крестьян-

ской олансо, вежортё крестьянской думаэсё, тёдё Лениныс рабочой олансо, вежортё рабочойеслісъ думаэсё.

Народыс залоас лоис сё унажык и унажык. Уна тысяча отир лолалёмсянъ волі жар. Чужоммез кузя лэдзчис нылём, но не-кин этё эз казяв.

Кончитіс Ленин речьсё. Стариk ёні чо-рыта тёдіс: правда—Ленин дынын. Коло чожжык бёр мунны деревняю—висъставны ленинской правдасо крестьяналю.

Стариk муніс коридор кузя—кошшыны пасъкыт лестницасо, кёда нүйтö отöрас.

Кинкё сійё кытсөвтіс. Этё волі том матро-сыс, кёда сулаліс оджык Смольной дынас.

— Но мой, папаша, байтін Лениныс-кот аслат олан йылісъ?—юаліс сія сералёмён.

— Эг,—висъталіс стариk.—Лениныс ачыс байтіс менам олан йылісъ.

ВРАГЛОН ЛЫЙЁМ

Завод главной мастерскойезын пондёт-чис ни митинг, а оградаас сё эшё сулаліс народлён ыджыт толпа. Видзчисисо Владимир Ильичос.

Но вот воротын мыччисис автомашина. Сія сувтчис мастерскойезё пыранін одзё. Машина ыбёсокыс осытсис, и быдён-ныс казялісё Ленинёс.

Владимир Ильич здоровайтчис рабочайезкöt и аслас шупыт походкаён пырис мастерскойез ыбёсö.

Быдённыс иньдётчисö Ленин бёрсянь, и оградаас некин эз кольччи.

Шофер бергötic машинасö воротала-нё, сувтötic сiё мастерскойез дынсянь-дасвит шаг ылына и пондiс видзчисьны.

Кынымкö минута бörti сы дынё вдруг сибётчис конувтас сьёд портфельён жен-скöй. Сiя юалiс:

— Мый, тыдалё, ёрт Ленин локтöма?

Шоферыс висьталiс:

— Ог тёд, кин локтöма.

Женскойыс серёмтchис:

— Кыдз жё сiдз? Тэ шофер и он тёд, кинёс кыскан?

Шофер видзётыштiс сы вылö: кытшöм настойчивой!

— Ог тёд! — повторитiс сiя кымörtчöмён.

Женскойыс круто бергötchis да иньдётchis мастерскойезланнё.

Чулалiс унажык часся.

Но вот мастерскойезлён ыбёсис осьт-
сис. Порог вылын мыччисис Владимир Ильич.

Сы сьёрын оградаас петiсö кынымкö работница. Мукöд рабочойес кольччисö петанiн дынас. Матросской формаа кытшöмкö мужчина сувтiс ыбёсас да паськötic киэсö.

— Эдё пыкё! Эдё пыкё! — бобгыштіс сія кијгёмён.

Чужомыс матросыслён волі пыктём, синнэс беспокойнёйёсь.. Матрос вылө сія вачкисис только пасъкомнас. Ыбөс косяккезё киэзнас пыксыёмён, сія сё видзётіс ограда вылас.

Рабочойез думайтісö, что матросыс охраняйтö Ленинöс, и асьныс пондісö видзыны ыбөс дынас.

Эта кадö Ленин сибётчис машина дынö.

Сія кутчисис ни кинас ыбёсок бердас, но сэтöн работницаэз сетісö сылö қышёмкö вопрос, и сія бергётчис ныланьö, медбы ответитны.

Вдруг кыліс лыйöм, сыбёрын сækжö мёдік. Ленин усис.

Рабочойез вештісö матрессö бокö и чепёссисö Ленин дынö.

Шофер чеччöвтіс машинасис киас наганён. Машина шульга бокас суаліс женской, самой сія, кёда юасис сылісь Ленин йылісь. Шофер уськötчис женскойыс дынö, пондіс метитчыны наганён. Женскойыс котörtіс да сайёвтчис толпаас. Шофер уськötчис волі сы сьёрö, но дзарнитіс: Ленин куйліс му вылын.

Шофер локтыштіс, сувтіс пидзёссэз вылө, мышкыртчис Владимир Ильич дынö.

Кинкё висьталіс:

— Чожжык колё больницао...

Ленин лэбтыштіс юрсо да вынтом го-
лосон шуыштіс:

— Не, гортö... гортö.

Шофер висъталіс рабочойезлö:

— Кыска гортö. Некытшом больницао
ог мун!

Рабочойез мышкыртчисö Ленин дынö,
мёдісö пыртны сiё машинао, но сiя лэб-
тисьыштіс и чуть кылёмён шус:

— Ме ачым!

Чужомыс сылён волi блед. Одва-одва
сiя сувтіс да пырис машинао. Но пукавны
эз вермы и валитчис бокнас пукалан вылö.
Шофер пöдныштіс машина ыбёсоксö и сэк
жö машинанас мунiс.

А эта кадö кутiсö женскöйсö, кöда лы-
йис Лениныслö. Сiя мёдіс сайётчыны тол-
паас, но челядьыс оградаас бура заметитi-
сö сiё и мыччалiсö сы вылö:

— То, то сiя! Вот сiя лыйсис!

* * *

Волi эта 1918 годö, арнас.

Рабочойез тревожитчомён да надейтчö-
мён следитiсö газетаэз сьортi Ленин здо-
ровье сьорын.

Газетаэзын гижисö, что женскöйсö, кöда
лылiс Ленинлö, ыстiсö народлён враггез
и что нiя отравитiсö пулляэсö вына ядён, мед-
бы вернöйжыка вийны сiё.

Ранаыс вölі ёдьён опаснöй; доктор-рэз эзö надейтчö, что Владимир Ильичыс веськалас.

Но вот газетаэзын мыччисис радостной юёр: Ленин пондис веськавны.

Бёра ёктис заводын митинг. Отik ёрт лыдьётис юёр сы йылись, что Ленинлö лоис долытжык. Сы бёрсянъ кайис трибуна вылас старой работница да горзомён висьталис:

— Етша мийö сiё берегитим... Вот... эгö вермö берегитны пулсяняс. Кыдз сьёкыта шогалис Ильичыс!

Сыбöрын чёлыштис, видзотыштис аслас ёрттэз вылö и горён висьталис сiё, мый йылись думайтис бидённыс:

— Кытшом эд эта счастье, что миян эм Ленин!

СУББОТНИК

Кин ветлис 1920 годö миян кörттуйез кузя, сiя адззылис „паровоззэлис кладбищеэз“. Сидз шусисö местаэз, кытчö чукörтлисö жугалём паровоззэсö. Гражданской война коста нiя вölисö жугдёмöсь снаряддэзён и онi куйлисö ыджыт чукörррезён, чапкёмöсь кыдз шедас, беспомощнойöсь, колесоэзнаныс вывланьё.

Кадыс вölі сьёкыт. Быдлаын тыдалисö войналён следдэз: юэз вылын взорванной поссэз, городдэзын сотём керкуэз, кörттуйез вылын жугалём паровоззэз.

Советской страналö ковсис ассис хо-
зяйствосö строитны вились.

И сэтён пондётчис великой дело: со-
ветской морттэз пондисё ёксывлыны
праздникезö либо будденнезö—уджсянь
свободной чассэзö—и уджавны весь, мед-
бы отсавны асланыс страналö.

Пондётисё этö делосö железнодорож-
никез.

Ния добровольнöя, асланыс желаннён
кутчисисё разбирайтны „паровоззэліс-
кладбищеэз“, кошывлісö дзоңь часттесö,
иньдавлісö нiйö ремонтируйтны, разгру-
жайтлісö угольён да песён поезддэз. Пер-
во сэтшом добровольнöй уджыс керсис не-
деля конецö, субботаэзö. Сiйён и луннэс, кör
советской отирыс ёксывлісö сэтшом удж
вылас, пондисё шусыны субботникезён.

Железнодорожникез пример сьортi
пондисё керлыны ас дынаныс субботникесö
и заводдэзісь рабочойез.

А 1920 годся Май 1 луныс вölі объяви-
тöма всероссийской субботникöн. Эта
праздничной лунö уджалісö быдлаын,
Кремльсянь пондётчомён да кытён-нибуль
ыліссь Сибирын рабочой посёлокён кон-
читёмён. Но удж вылö отирыс мунiс, кызд
праздник вылö,—музыка оркестрrezён.

Эта лунö асывнас дас часö Кремльын
сьёрсъён-бёрсъён куимись ыпкис лыйис
пушка. Кремлёвской военной школаись ра-

бочёйез, служащёйез, курсанттээз петісө плошадь вылө.

Кёр быдённыс сувтісө ряддэзё, медбы удж вылө мунны военной стройён, Кремлисъ комендант висъталіс:

— Ёрт Ленин мунё примитны участие субботникин.

Владимир Ильич перыта муніс одзлань.

Военной школаисъ комиссар корис Ленинсө зайдитны местасө одзас, веськытланяс,—кыдз старшойлө. Ленин сэк жо сувтіс, кытчо сылө висъталіс. Сетісө команда:

— Ряддэз, строитчо!

И сыбёрын:

— Веськытлань, шагом марш!

Быдённыс мунісө в ногу музыка съорти, военноя, Кремльын сія места дынё, кытён волісө валитомёсъ керрез, иззәз, пöввез, ёг. Сэтён жо валяйтчисө жугалом повозкаэз; му вылын тыдалісө бомба взрыввезсянъ гарйом ямаэз. Быдёс эта кольчис этчо Октябрьской революция коста белогвардеецзекёт пессьом бёрын.

Коліс отік лунён весётны да вайётны порядокө быдёс Кремлёвской площадьсө.

Перво кутчисисө керрез бердё. Быд керсө ковсылыс нöбётны кыкён, а то и нёльён, ежели сія волі ѡдьён ыджыт. Ленин ужаліс парын отік военнойкöt. Военнойыс сё пессис сетны Ленинлө керлісъ

вöснит конецö, а ачыс кутчисыліс кыз да сьöкытжык конец бердö. Но Владимир Ильич сæk жö этö казяліс и пондіс керрез бердас кутчисыны первöйён.

Сæk военнöйис висъталіс:

— Менýм кыкdas кыкъямыс год, а тэныт витдас.

Ленин пуктіс сьöкытжык конецö аслас пельпон вылö да серомтчис:

— Вот тэ и эн спорит мекöt, ежели ме пöрисъжык.

Новийисö площадь вывсис быдöс керрессö и кутчисисö öддьён ыджыт дубовой кряжжез бердö. Нiйö тэчлісö зоррез вылö и новийисö квать мортён. Эта уджыс вöлi некокнит; нельки привычной рабочойезлон чужёмmez кузя лэдзчисö нылёмлён гырысь воттез.

Öнi Владимир Ильичкöt уджалісö куим курсант да кык рабочой.

Öтiк рабочой видзётiс, видзётiс Лениныс вылö да медбóрын шуис:

— Владимир Ильич! Мийö бы эстöн тэтöг керсимö, тэнат делоэз эмöсь важнойжыкöсь.

Владимир Ильич ответитiс:

— Öнi эта делoыс медважнöй.

И яркой шондiсянь, ссыянь, что ордочён уджалö ёрт Ленин, быдöнныс чувствуйтiсö: талуння сьöкыт уджыс—этö радостной праздник.

Быдыс мёдіс асьсо мыччавны Владимир Ильич одзын уджас буржыкён; кылісö шуткаэз, сералом, песняэз. Быдённыс пессисö не кольччыны Ленин сьёрись.

Ленинлён волі ёдьён шупыт походка. Нельки кёр сія думайтліс гортас книга, кёдö гијкліс, либо речь, кёдö сылö коліс висъставны, сія ёдьён перыта эта коста ветлётіс комната кузя пельёссянь пельёсёдз,—эз ветлёт, а почти котрасис.

Сідз жё перыта сія новийис субботник вылын и керресö.

Медбёрын быдённыс мыдзисö и пукси-
сö шоччисьны, куритышты.

Владимир Ильич эз курит, да и шоч-
чисьны кыдз бытьтö эз лösъётчы. Сія ви-
дзётліс то часы вылö, то кольчём дубовой
кряжжез да из чукоррез вылö. Медбёрын
сёдаки пуксис шоччисись ёрттэс дынö.
Кинкё корис сійö куритны. Ленин отка-
житчис и висъталіс, что сія куритіс толь-
ко ётпир, кёр эшö велётчис гимназияны.
Занятиес эта сылö эз гленитчы, сія сідз
и эз понды куритны. Быдённыс волісö ра-
дось байтышты Владимир Ильичкöt дыр-
жык, но сія бёра кыскис часы:сылö талун ко-
ліс эшö ештыны Совнарком заседаннё вылö.

Шоччисьом бёрын пондісö новыйны
носилкаэз вылын из да ёг чукоррез.

Ленин тэрмасис, пессис уджавны эшö
чожжыка, но субботник конецöдз кыным-



кө минутаён оджык сылёр сёдаки ковсис мунны: сійё видзчисисё народнёй комиссаррэз.

Площадь вылын уджыс кольчис етша ни. Сійё чожа кончитісё и рознитчісё мыздёмөсь да ёдьён довольнёйёсь. Быдён-ныс вежортісё—талун нія керисё былись важнёй дело: мёдік субботник вылёр петасо быдлаын советской отирлён виль миллионнэз.

Петасо сійён, что примерсо нылёр мыччаліс Ленин.

КАШИНОЁ ВЕТЛЁМ

1920 годё Кашино деревняись оліссез строитісё ас дынаныс электрической станция.

Сэк эта волі ёдьён съокыт дело: эзё волё медколан товаррэз; көрттув—и сія лоис деревняын шоча.

И вот сэтшом кадё кашинской крестьяна асьныс, асланыс вынён, асланыс собственной желаннё съорти пондётісё строитны электрической станция.

Мырсыёмён судзётісё кынымкө моток телефоннёй провод. Сія волі ёдьён кыз, гардёма проволокаись. Сійё ольсалісё му кузя и пондісё путшотны шипцыэзён, клещиэзён и просто күш киэзён. Путшотісё—проволокаыс лоис уна.

Вёрись вайисö керрез, пилитісö столб-
без вылö, волькыта стружитісö.

Оні коліс судзётны электрической ма-
шина—динамо.

Ежели сія кадö некокнит вёлі небны
корттүв, то кытшом жö съокыт вёлі су-
дзётны динамомашина!

Мунісö кашинской крестьяна Москваö.
И кытчö бы нія эзö вовлö, пондётлісö ба-
тёмсö сысянь, что вот Ленинлён эм план—
нюжётны электричество быдсöн страна
пасьта; нія, сідзкö, эта ленинской план
съорті и действуйтöны.

И кöть и не сразу, а керисö кашинец-
цез ассиныс: динамомашинасö получи-
тісö.

Вайисö сійö Кашиноö, сувтötісö ыджыт
сарайö.

Сувтötлісö быдсöн улица кузя столбез,
нюжётісö проволока, быд керкую сетісö
электрической лампочкаён.

А кöр быдöс вёлі готов, ыстісö Ленинлö
письмо: пригласитісö сійö электростанция
осьтом кежö.

Письмосö ыстісö, а эз веритчи: кытесь
жö Ленинлö локны, некöр сылö...

Сёдаки пондісö лöсьётчыны. Медыджыт
керкуын сувтötісö кузь пызан, лабичез,
а быдöс лишнойсö—сундуккез, кроваттез—
петкötісö отöрö. Пуисö, пöжалісö, мымда
вермисö, угощеннё.

Сибётчис электростанция осътан лун—
ноябрь 14 лун.

Крестьяна эзё ни и тёдё, видзчисьны я
Ленинсо.

И вдруг туй вылын мыччисис вевтты-
тём легковой машина.

Челядёккез медодз котörtісö паныт. Ма-
шина сувтіс. Сыын пукалісö Владимир Ильич
да Надежда Константиновна.

Владимир Ильич юаліс челядьліс:

— Кытён эстён тіян электростанцияыс?

Челядь лоисö радösь:

— Ыскöвтöt, сæk мыччалам.

Пуксьотіс Ленин челядьёс машинаö, му-
нісö.

Үджыт керку дынын панталісö сійö кре-
стяна.

Пондётчис керкуын байтём. Ленин висъ-
тасис крестьяналö правительство удж йы-
ліс, висътасис белогвардееццез вылын
Красной Армия победа йыліс, поздравитіс
крестьянасö эта победаöн.

Пондісö крестьяна висътасыны Ленинлö
асланыс делоэз йыліс.

Ленин кывзіс интересөн. Көр висъта-
сисыыс дугдыліс байтны, Владимир Ильич
сійö бодройсьётліс:

— Но, а одзлань?

Ленинлөн вölі замечательной память:
сія сækжö пондіс тёдны, кыдз кинёс шүö-
ны, и сыбёрын шувліс крестьяна-старикке-

сө нимён-айнимён: Алексей Андреевич, Василиса Павловна. Ёдьён эта старицеслой гленитчис.

Баитомыс шогмис сэтшом интересной и Ленин понда и крестьяна понда, что некин эз и казяв: луныс чулало ни. Беспокойтчис только отк морт—фотограф. Сія локтіс снимайты Владимир Ильич ос отла-ын крестьянакот и оні сё думайтіс тревогаён: чожа рых, снимокыс, пожалуй, оз-пет—югытыс етша.

Медбёрын сія решитчис?

— Владимир Ильич, крестьяныс мәдісөбы снимайтыны тәкот.

— А..., но, бур,—ответитіс Ленин. А ачыс баитіс одзлань.

Чулаліс эшо дас минута мымда. Ёшын сайын пондіс пемдыны.

Фотограф шуис отчаяннёон:

— Кынымкө минута борті лоас сёр ни снимайтын!

Владимир Ильич видзотыштіс сы выло. Снимайтыны волі неохота, но Ленин уважайтіс ѹз трудсө: фотограф натодель локтіс городсис, Ѻштіс кад.

И Ленин шуис:

— Но, мунё оградаё, лосьётчо. Мийө Надежда Константиновнастың часот петамо.

Фотограф котортіс аппаратнас ѳтёрө, пондіс сувтотны сійө. Горе сылө волі че-

лядькöt: уськötчisö быд ладорсянь, норовитчöны пуксыны самой аппарат одзö.

Петисö керкусис и Владимир Ильич Надежда Константиновнакöt. Фотограф пуксöтis нiйö шöрас, а ны гöгöр пондис пуксöтлыны крестьянасö. Но и сэтöн сорласисö челядь: бергалисö коккез увтын, жмитчisö матöжык Владимир Ильич дынö.

Фотограф лöгасис: колö, медбы быдöнныс пукалисö гусьён, а то снимокыс изводасяс.

Владимир Ильич тожö пондис уговаривайтны челядьсö; мычталис нылö аппарат вылö:

— Тiйö вон аппарат сьöд осьтаокас видзötö.

Пондисö челядь видзötны аппарат осьтаокö. Фотограф чапкис аслас юр вылö кузь сьöд чышьян и ровно кыдз кулис сiдз.

Ленин висьталис сылö:

— Тэ меным челядьсö эн кынт.

Быдöнныс серöмтчisö:

— Нем оз ло, нiя миян здоровойöсь, терпитасö.

Челядьыс бöра вörзьётчisö: бaitисö ны йылись. Сэтöн фотограф эз вермы терпитны да горötis:

— Смирно!

Ленин шынныштis, и сiдз, шыннялёмнас, и петис фотография вылас.

Эта бёрсянъ площадь вылын осытсис митинг.

Площадь шёрын суаліс вылын столб, сы вылын ёшаліс виль электрической фонарь: сійё эшё отпир эз на ёзтылө. Столб волі каттьом зелёной козовой лысоккезён да гёрд лентаэзён. Фонарь увтын суаліс пызанок. Татчо и вайётісö Ленинсö.

Гёгёр ёксисö крестьяна не только Кашино деревняись, но и мёдік посаддэзісь да деревняэзісь. Уна локтісö татчо ылісянъ.

Ленин висьталіс речь:

— Тіян Кашино деревня лэдзё электрической станция. Замечательной дело! Но эта — только пондётчом... Миян задачаыс сыын, медбы быдёс миян республикаыс волі кистёма электрической югытён...

Кёр Ленин речьсö кончитіс, струнной оркестр орсіс „Интернационал“. И сія жё минутаö сарайын, кытён суаліс динамомашина, монтер лэдзис ток.

Площадь вылын ёзийс электрической фонарь, керкуэзын сәкжö ёзийсö биоккез.

Одзжык кашинской крестьяна сотлісö ас дынаныс учотик коптилка-лампочкаэз; нія сотчисö одва-одва, пемыта, зелёной-кодь биён.

А оні кинкё, яркёй электрической югыт вылё видзётёмён, висьталіс:

— Вот и ёзийс миян Ильичлон лампочкаыс...

Пондіс Ленин прощайтыны крестьяна-
кот.

Прощайтчис, муніс машина дынё. Волі
дзирс пемыт, чужомё польтіс кёдзыт но-
ябрьской тёв.

Кёр мунісё ылё ни, Владимир Ильич
дзарнитіс бёрас. Бёрас, пемыт ыббез ко-
ласын, бура югъялісё кашинской керкуэз-
лён ёшыннэз.

СОКОЛЬНИКИЫН ЁЛКА

Ёлкала светлыны волі нэылын. Сэтён
жё, Сокольникиын, бёрийсё буржык да
кудриажык пу, кералісё да вайисё лесной
школаё.

Челядь адззылісё, кыдз ёлкасё вартісё
крестовина бердö—крест на крест вачком
кыкпöв бердö, медбы крепыта суаліс
джоджын. Сыбёрын монтёр Володя нюжö-
тіс ёлка югдётём понда проволока и ув-
вез бердö ёшліс электрической лампочкаэз.
Ашынас чуть не самой асывсянь понді-
сё видзчисьны Владимир Ильич Ленинёс.
Отёрас волі эшё югыт, а челядь сийо и
керисё юасисё школьной завхозліс:

— А мой, ежели Лениныс оз лок?

— А ежели пурга бора лоас, Лениныс
сёдаки локтас? Али оз?

Завхозён волі пёрись петроградской
рабочой. Сия тёдіс Ленинёс эшё револю-

цияйдз. Сійён именно сыліс и юавлісö. И сія отвечайтліс увереннёя:

— Раз Ильич висъталіс, что локтас, значит локтас.

Локтіс рых. И былись пурга лэбтісис. Пондіс шутнявны пожуммезын тёв, кёс лымыс пондіс му вылёттис бергавны чочком змейкаэзён. А сыбёрын нёбосянь пондісö усьны чочком лымоккез.

Ёлкаыс волі мёдётом ни. Быдёс чачаэсö челядьыс керисö асьныс. Сэтён волісö и ошшез, и кёчрез, и слоннэз. А быдёнся буржык волі гёрд рожабана да чочком тоша дед Мороз; пукаліс сія ёлка вылын— самой йылокас.

Кадыс муніс, а Ленин сё эз вёв.

И сэтён челядь кылісö, кыдз кинкё ыджыттэз коласісь гусьён моз шуис:

— Но, сэтшом пургай... конечно, оз лок. Челядьыс бёра котörtісö пёрись завхоз дынё.

Завхоз висъталіс лёгён:

— Эдо лякасьё. Шуа: раз сія висъталіс, что локтас, значит локтас.

Пондісö бёра видзчисьны. Отöрас шутнялö тёв, кёс лымыс горён вартö ёшын стеклоэзё. Сідз эта шум коста эз и кыв, кыдз локтыштіс школа дынё машина. Машинаись петіс Владимир Ильич.

Сія кайис лестница кузя, чётчис, чышкис чышьянокён сылём лымсянь ва чужом-

сö. И сæk жö муніс ыджыт комнатаö, че-
лядь дынö.

Ния сæk жö сiё тöдiсö: кынымись ни
нiя адззылiсö Ленинлiсь портретсö! Но мы-
лякö перво öшисö—сулалiсö и мestaись
эзö вöрзьётчö. Видзötiсö Ленин выlö и шы
эзö сетö.

Владимир Ильич эз понды дыр видзчи-
ны. Сiя хитрёя куныштiс синнэсö да юалiс:
— А кин тiян коласiсь каньён да шы-
рён кужö орсны?

Медодз вис্তалiс медыджыт нылочка,
Вера:

— Ме!

— И ме!—горётiс горён зоночка Лёша.

— Но, сæk тэныт и лоны каньён,—вис्तалiс Владимир Ильич.

Челядьыс сувтiсö кругö. А ёлкаыс шö-
раныс.

Лёша вöтчис Вера съёрö, Вераыс котёр-
тиc ёлка сайö. Лёша—веськытланьö, Вера—
шульгаланьö. Лёша—шульгаланьö, Вера—
веськытланьö. Сæk Лёша уськötчis учётик
Катя дынö. Катя кутчисис Ленин бердö,
медбы дзебсисьны. Владимир Ильич лэbtiс
киэз вылас сiё вылына:

— Не судзётны каньлö шырсö!

Дыр котрасис Лёша, и сё сылö эз лö-
сяв. Сыбёрын кутiс сiя Сеня зоночкаöс.
И лоис шырён, а Сеня—каньён.

Орсiсö дыр, и быдённыслö лоис жар.

Сэтён осытсис ыбёс, и комнатаё пырис ыджыт сера слон. Челядьыс чирёстісö хорён. Былись, уна ны коласісъ сэк жё тёдісö школьной роялись тёдса сера чехол. Но кин чехол увтас? Чехол жагёна ёвтчис, одзас вёрис кузъ хобот; слоныслон одзись коккес вёлісö кёмётёмөсь пимиэзö, а бёриссес—ботинкиэзö. Не кутчыны кё споритны, эта ёддьён вёлі вачкисяна настоящой слон вылё. Слоныс, роксомён, муніс ёлка гёгёр, ёвтчыштіс прощайтчытённяс хоботнас и бёра пёрласьёмён муніс ыбёсö. А ыбёс саяс чехол увтсис петісö монтёр Володя да школьной сторож, кыкнаныс вёлісö мастеррез быдкодъ выдумкаэз вылё... Петісö нія чехол увтсис и бертисö комнатаё. А сэтчин ваксисö челядь; эта ваксьёмсянь чеччалыштліс ёлка йылокас дед Мороз.

Медбура петкötіс серёмсö сія, что челядьыс көть и тёдісö роялись сера чехолсö, а видзы слонсö комнатаас, мед эз мун сідз чожа, сёдаки эзö лысътö: а вдруг настоящой?

Уна эшö гажаыс вёлі эта рытö.

Кинкö челядь коласісъ горётіс:

— Онi гораньён! Гораньён!

Владимир Ильич кыскис чышьянок, кörталіс ассис синнэсö.

Монтёр Володя чожжыка вештіс ёлкасö самой угёлас, и комнатаас mestасыс лоис уна.

Ленин пасъкötіс киэсö и кокчуннез выл
лас мунис одзлань.

Челядьыс рознитчисö кин кытчö вермис.
Сыбёрын пондисö гусьён сибётчыны
Владимир Ильич дынö да горётлисö:
— Жар!

А кёр Владимир Ильич волі ѡдьён
матын челядь коласись кинкö дынын, сылö
горётлисö:

— Сотчан!
Но челядьыс хитройёсь: пуксыштасö
кеckerкаён Лениныс самой ки увтö—сия оз
и павкöt, мунас бокёттяс.

Сэк бёра горётлисö быдённыс:
— Кёдзыт, кынман!

Ленин казяліс, что быдённыс челядьыс—
юдьён проворнойёсь, орсоны ловкёя и,
тыдалё, дыр сылö ковсяс ветлётны кörтат-
лём синнэзнас.

Сэк сия керис сидз, быттьё мунас одзас,
а ачыс чожа бергётчис кокчуннез вылас и ку-
тис ётік зоночкаёс, кёда волі сы спина сайын.

Челядьыс горётлисö, кыдз колис:
— Тёд, тёд!

А кутомыс сераліс да старайтчис мез-
дётчыны. Этё волі зоночка Сеня.

Владимир Ильич малыштис сыліс юрси-
сö, нүйтис чуннэзнас кымёс кузя, тшёка кузя:
— Сеня!

Сенялё волі и жаль, что сия сидз шедіс,
и бур, что Ленин сийё пондис тёдны.

Сыбёрын учётик Катя лыддьётіс Пушкилісь стиххез, да сорасис. И пондіс горзыны.

Ленин пондіс сійё бурётны.

Катя дугдіс горзыны, чышкис чышъяно-жён синваэсö да шуис:

— Ленин, а тэ эн мун миян дынісь.
Сідз и ов сэтён.

Ленин серёмтчис:

— Да ме и сідз неылын ола.

Сыбёрын быдённыс пондісö котрасыны ёлка гёгёр. Учётик Катя котörtіс ордчён Владимир Ильичкöt. Владимир Ильич ви-дзис сійё киёттяс. Ленинлён киыс вölі ыджыт, шоныт.

Эта кадё Надежда Константиновна Круп-ская да Мария Ильинична, Владимир Ильич-лён сойыс, пыртісö комнатаö подароккезён ыджыт корзина. Этнö подароккесö вайис челядьыслö Ленин.

Кинлö дёнзис автомобиль, кинлö тру-ба, кинлö барабан. Катя получитіс акань.

А Ленин кыдзкö казяvtöг, шумыс увтö, петіс комнатаис да муніс.

Вот кытшом вölі Сокольникиын 1919 годö ёлкаыс.

ЗОНОЧКА ДА ЛЕНИН

Ям посадісь муніс зоночка. Сія нöбётіс пустой корзинка.

Түйіс сылёр волі тёдса: ыб, юок, юок весътöt пос. А пос сайын туёкыс нүйтіс керўсö. Керўс вылын ыджыт пуэз сайын сулаліс колоннаэза чочком керку.

Невылын эта керку дынсянъ зоночка вёттіс лöz йёрнöса да тапочкаэза мортös.

Зоночка висъталіс сылёр:

— Сэтён Ленин олёр.

Мортыс ыджыт кымёст вывсис кепкасö вештіс юрбör вылас да, шондісянъ синнэсö чиқыртёмён, видзотыштіс зоночка вылёр. „Городской“, думайтыштіс зоночка да содтіс:

— Местаыс миян знаменитой. Татчёгородісъ часто вовлёны.

— Местаыс бур,—согласитчис лöz йёрнöса мортыс.

Нія мунісö ордчон.

Зоночка шуис:

— Охота меным Ленин вылёр видзотны.

— Мыилёр?

— Но кызд этö сідз: „мыилёр“! Медбы тёдны, кытшом сія аснас.


— Обыкновенной. Ме вылёр, байтёны, вачкисьё. Но веськыта кё шуны, он отличит.

— Но да, кызд жё, он отличит!

Мортыс, юрсö чатыртёмён, пондіс гажёна ваксыны:

— Значит, ме ог вачкись?

Зоночка видзотыштіс сы йёрнöс вылёр да тапочкаэз вылёр:



Горки. Литографиялыс художник П. Староносовлён.

— Разве Ленины с ветлётё лёз йёрнёснас? Сия—сьёд пиджакён. Либо френчён...

Сідз, байтёмён, нія казяvtёг локтісё ыджыт пуэз дынё, кёдна сайын суаліс колоннаэза керкуыс.

Лёз йёрнёса мортыс сувтіс.

— А тэнё кыдз шуёны, зоночка?—юаліс сія.—Тэ кытчё мунан?

— Мишаён шуёны. А муна ме совхозё капустала.

— Но, значит, тэныт веськыта, а менем бокё. Прощай, Миша.

Зоночка муніс одзлань ётнас. Туй вылын цветтэзён грядок дынын суаліс ку-

ранён женской. Кёр зоночка локтіс матёжык, сія нырыштис куран вылас да юаліс:

— Мый йылісь этö тэ сэтчин Лениныскöt байтін?

Зоночка сувтötіс корзинкасö и мёдіс котörtны бёр.

А Лениныс муніс ни.

БАСÖК РУЧ

Ленин любитіс вёralём. Да шоча сылётсиявліс вёравны: эз вёв эта понда кадыс.

Вермас лоны, сійён сылён часто лыйикö вёлісö промаххез. Но эта эз тышкöt сылісь удовольствиесö.

Советской кадёни, кёр Ленин шоччи сис шогалём бёрсянь, ёрттэс решитісö корны сійё вёравны руч вылö. Вёлі эта тёлон, бур морозной лунё.

Вёralёмсö керисö флагоккезён. Вёр гёгюрас, кытён вёлі руч норыс, морталісö лымас быдкодь рёма флагоккез. Сыбёрын вёralіссез сувтісö асланыс местаэзё. Сувтісö ёдьён ыджыт пожум сайё и Владимир Ильич.

Кытёнкö ылын кыліс понлён вұйтöм. Сыбёрын вёрас гымнитіс ылынся лыян шы. Ленин суаліс киас пишальён. Гёгёр лоис лёнь. Тыдалö, ручсö вашётісö вёр мёдко нецас. Кытшомкö кай лэбзис Владимир Ильич юр вевдёрöt, павкötіс пожум вылісь

увсö, трекнитöс лымсо. Вылісянь, жагывв бергалёмён, кисьтисо кокнитик лымоккез.

Öддьён гажа да лёнь вёлі вёрас.

Видзчисьтöг том кёзок сайсянь мыччи-
сис руч. Сія дзарнитöс, сыбёрын нюжётöс го-
лясö, бытътö нюкайтöс русо. Гёныс сы вы-
лын вёлі кузь, пущистой. Медбурён вёлі
ыджыт бёжыс. Кёр руч вёрётöс бёжнас, сія
свиттяліс шонді выласрыжой бичироккезён.

Владимир Ильчöс ручыс эз адзы: сія
сулаліс пожум сайын.

Ручыс вдруг чеччёйтöс одзлань да сув-
тöс. Сія кызвісьыштöс, ёвтыштöс бёжнас и
поломён видзётöс ылё пемыт круглой син-
нэзнас: кыліс морт следдэз.

Эта кадö неылын Ленин дынсянь кок-
нитик тёвсянь вёрзьётчис флагжок. Руч пов-
зис и уськётчис бёрлань.

А Ленин дынё котörtic ни пёрись вё-
раліс и лёгён мыйкё горётліс.

Владимир Ильич сулаліс пишаль дуло-
сö увлань лэдзёмён.

— Мыля нö тэ эн лый? Эд сія ордчён
тэкöt сулаліс, Владимир Ильич!

Ленин шынныштöс да висьталіс:

— Жаль лоис. Öддьён ни сія басöк.

„У-127“

Москвайын Павелецкой вокзалын сулалö-
необыкновенной паровоз. Сылон эм аслас
номер: У-127.

Но сійö түйö тёдны и номертöг. Сія быдсөн гёрд, только трубаыс краситöм сьöд рёмён да колесоэз вылас тыдалöны чочком полоскаэз. А „У-127“ нимыс керöма золотистой краскаён.

Быд лунö паровоз свиттялана гёрд борттэз вылісь буссö чышкöны. Неважын сы вевдöрö строитöсö стеклянной крыша: öнi „У-127“ вылö оз шед öтiк зэр воть.

Строитöсö этö паровозсö уна год бёрлань. Вöлi эта сiдз. Тöдiсö железнодорожниккез, что Ленин уджалöма Кремльын Всероссийской субботник вылын, решитöсö и ас дынаныс керны субботник.

Субботникис эта кыссис не öтiк лун. Унаись öксывлiсö шоччисян луннэзö железнодорожниккез и 1 май лун кежö строитöсö паровоз „У-127“.

Паровоз шогмис замечательной: строитöсö сiйö медбур кузнеццез да слесаррез, краситöсö сiйö медбур малярrez.

Эта бöрын рабочойез-железнодорожниккез постановитöсö: подаритны „У-127“ советской властью, а Владимир Ильич Ленинöс бöрийны паровозас почётной машинистён. Решитöсö ыстыны Ленин дынö куим мортöс—висьставны сылö эта йылісь.

Кöр куим железнодорожникис локтöсö Кремльö, Ленинлöн секретарь висьталiс нылö вежливöя:

— Видзчисыыштö, ёрттэз. Владимир Ильичлö онi некöр.

Но видзчисыны нылö эз удайтчы. Кыдз только Ленин тöдiс, что сы дынö локтiсö рабочойез, сiя ачыс петiс ны дынö аслас кабинетiс.

— Владимир Ильич,—висьталiс сылö рабочойез коласiсь медпöрисыс,—мийö тэнö назначитiм „У-127“ паровозö почётной машинистён.

Сiя нюжötiс Лениныслö учётик книжкаоқ:

— Этö тэнат расчётной книжкаыс.

Владимир Ильич босытiс книжкасö да лыддьётiс:

Фамиллё, ним да айним: ВЛАДИМИР ИЛЬЧ ЛЕНИН.
Занимайтан должность: почётной машинист.

— Мийö этö паровозсö строитiмö субботник вылын,—объяснитiс рабочой.

Владимир Ильич шуис:

— Оддьён бур!

Сыбöрын шынныштiс:

— Ме эд ветлi ни паровоз вылас—кочегарён. Но, сiдзкö, менö должностьö сьёрти онi лэбтiсö...

Железнодорожниккез серёмтчисö. Быдys ны коласiсь бура тöдiс, кыдз Октябрьской революция одзын Ленин сайёвтчis аслас враггезсянъ паровоз вылын кочегар ним увтын.

— А этö, Владимир Ильич, жалованнё тэныт кыдз машинистлö,—объявитіс железнодорожник и сетіс Ленинлö деньгайон пакет.

Ленин видзотыштіс пакет вылö, сыбöрын аслас гöссез вылö и минутка дырна думайтыштіс. А сыбöрын юаліс:

— Сідзкё, эта деньгайс менам?

— Конечно тэнат, Владимир Ильич!

— Но, дак вот мый. Тіян, конечно, станцияаныт эм асланыт клуб. Сетö этö деньгасö сэтчин. Ась ны вылö небöны книгаэз. Нето, можот, эшö мый-нибудь? Тійö асьныт ни видзётö, мый оні клубыс понда коланажыкыс.

Рабочойез дзарнитісö ётамёдныс вылö:

— Кыдз жё сідз, Владимир Ильич...

— Да эд тійö висъталіт, что эта деньгайс менам. Сідзкё, ме верма керны сыкöt быдöс, мый меным охота.

Железнодорожниккез чёлісö. Ленин видзотыштіс ны вылö:

— Но, тійö мыйынкö сомневайтчатö?

Пöрись рабочой шуыштіс:

— Жалованнёыс эд быд месяцö пондас локны...

— Вот и бур! Быд месяцö и сетö сійö клубыслö.

Сія бöра шынныштіс да крепыта жмитіс кисö быд рабочойлö.

— Медбöрья кадö миян кöрттуйез унаён бурсьётісö ассиныс уджнысö. Сетö ёрттэз-

лө железнодорожниккезлө месянь благдарность.

* * *

Эта кадсянь паровоз „У-127“ неетша уджалыштіс көрттүй вылас. Сія кыскаліс пассажирrezös да товаррез. Но унажыксö—московской заводдэз понда угольён поезддэз.

Аслас медбörья туйё сія петіс 1924 год январь месяцö. Эта вölі съокыт народной горе лунö: Горкиын куліс ёрт Ленин.

И траурной знамяэза паровоз „У-127“ аслас почётной машинистліс телосö кыс-кис Москваö.

Берегитöны öні железнодорожниккез этö паровозсö. Берегитöны крепыта, кыдз Ленин йылісь памятьсö.

ЛЕНИНЛÖН БЮСТ

Парижын, Франция столицаын, вölі всемирной выставка.

Быдöс странаэз вайисö татчö образец-цез нія вещщезліс, кöднаён нія славитчöны. Эна вещщез понда строитісö торъя зданнёэз—павильоннэз.

Советской павильонсö туйис тöдны ыліс-сянь. Сы крыша вылын лэбтисисö кык öд-дьён ыджыт фигура—рабочойлён да колхозницалён. Нія вölісö кисьтомöсь несіман стались. Вылö лэбтöм киэзын нія нуи-

со ас одзаныс шонді вылын югъялан чарла да молот.

Павильон пыткас вёлісө сувтётёмөсь вещщез, кёднаён гордитчо миян родина. Картинаэз да таблицаэз вылын вёлі мыччалёма, кыдз олө да уджалё свободной советской народ, кыдз олёны да велётчоны счастливой советской челядь.

А медыджыт комнатын ловья цветтэз коласын сулаліс Владимир Ильич Ленин лён бронзовой бюст.

Выставка коста советской павильоню вовліс уна отир: вовліс рабочойез, учёнойез, писателлез, солдаттэз, крестьяна, учителлез...


Отпры сёрён рытнас, көр миянліс павильонсо мёдісө пёднавны ни, локтіс слепой.

Сій о нүйтіс кипөлёттяс гажтөм чужёма женской. Сія вайётіс слепойсө Ленин бюст дынё, а ачыс кежис бокё.

Слепой павкотіс кинас бронзовой бюстсо. Чуннес сылён павкисо Ленин пельпон бердё. Сэк слепойыс осторожноя ләбтіс кисо выложык, и чуннес сылён чожа кайисо вывланьё, бронза бердё чуть павкотчомён.

Павильонісь служащой сибётчис женскойыс дынё да юаліс:

— Кин эта сэтшомыс? Мый сылёр коло? Женскойыс ответитіс:



В. И. Ленинлөн бюст. Скульптураыс художник
Б. Королевлөн.

— Эта менам жёникö. Сылісь война
вылын сотісö синнэсö.

Служащöй видзöтыштис: синнэз туйö сле-
пöйыслён вölісö страшнöй пемыт гöппез.

Женскöйыс висъталіс:

— Кытшöм сія вöлі вына, кöбы тэ тöдін!

Слепöй лэбтіс умöльтчöм кисö и бöра павкötчис бюст бердö. Эта кадö чуннес сылён видзсисö Лениныс прекрасной кымöс вылын.

Сыбöрын сія кисö лэдзис. Сы чужём кузя жагöник лэдзчисö синваэз.

Женскöйыс висъталіс:

— Ме эг вермы сылö откажитны этаын... Эд сія некöр эз адззыв Ленинöс портреттэз выліс.

Слепöй сё эшö суаліс бюст одзын. Сія эз чышки ассис синваэсö. Неотпрысь лэбтыліс сія кисö, берегитчöмён павкötчывліс Ленин бюст бердö и вились суаліс вöрётчытöг, пемыт сингöпpezнас ас одзас веськыта видзётöмён.

Медбöрын сія шуис:

— Оні ме адззылі сійö. Ме адззылі Ленинöс.

Инв. № 1044

Перевод М. Чугаева и М. Утробина
Редактор З. Тетюева

Техредактор Ф. Яркова
Корректор Е. Кривоцекова

Сдано в набор 10/IV 41 г. Подписано к печати 26/IV-41 г. Формат бумаги 62 X 941/16. Печат. л. 3,75. Авт. л. 1,5. Уч.-изд. л. 1,7. В 1 печ. л. 19340 тип. зн. ЛБ18541. Заказ № 635. Тираж 3000.

г. Кудымкар. Типография Молотовского Областного Управления издательств и полиграфии.

THE LIBRARY

FOR

Цена 1 руб.

24985

К-Перм.

3-315

А. Коннов
РАССКАЗЫ О ЛЕНИНЕ

На коми-пермяцком
языке